

QAAF WAX-MA-LEH

Maansadani waxay ka hadlaysaa gabar sharaf leh oo qoys sharaf leh ka dhalatay oo nin sharaf lihi soodoonay balse hooyadeed u diiddey o tiri wiilaan Eeddo u ahay oo dib adda jira cid aan ahayn haddii la siiyo aniga iyo gabadhuba sun baan cabbaynaa sidaasna la yeelay ka gadaal markii gabdhii ninkii loo dhoofiyeyna uu noqday nin nin kale u naag ah.oo la qabo . Halkaasna waxaa ka dhacay Habartii soddohda ahayd ina maryihii dhigtay ama waalatay markii sidasi loo sheegay gabadhiina naxdin iyo murugo ku habsatay xilligii ay sugaysey nolol farxad leh iyo rayrayn odaygii gabadha dhalayna waxay ku noqotay dhabanna hays waayo wuxuu xusuustaa wanaaggii uu lahaa ninkii ka so doonay intaan habartu arrinta ka fara maroojin iyo hadda habartii iyo gabadhiiba dhibaatada haysta oo aanu wax ka qaban Karin.

Cinwaanka Qaaf wax maleh waxaan ugu doortay qof soomaaliyeed oo yaraantii dugsi quraan ku soo bartay Qaaf kor ku labo leh haddii lagu yiraahdo Qaaf wax `maleh waxay ku noqonaysaa qaadanwaa iyo wax aanu rumayan Karin sidoo ayaa waxaa ula mid marka la yiraahdo ninkani waa Soomaali oo waa la qabaa..Waxaa xusuusin mudan ninkii reer dooloodka ahaa ee la yiri nin baa la guursadey ee toorayda is geliyey isagoo leh WAR GOORMAA RAGGU SIDAN U GO'AY.

Maansadu waa nooca iyagu is sharxa (self explanatory)oo waxayna ku bilaabanaysaa sidan: Waxayna isugu xigan beydadku siday isugu feer qoran yihiin sida fallaaruhu tilmaamayaan.

Qaalli Faarax baa dhalay	Hooyadeed-na waa Qarad
Inkastooy qof beled tahay	Midabkana qurxoon tahay
Weli tabaha qaar iyo	Qalin-daarka lama barin

Faaraxoo qaxweeyoo	Harqoodaalka jooguu
Arkay Ciise-labaqaar	Kuye Ina qulaanow
Inantaadii quruxdiyo	Qaymiga lahaydee
Qamar soo baxaayiyo	Qundhacada la moodee
Qummanayd ma joogtaa	Mise ruux kalaa qaba?

Qaxwihii horiil-buu	Labojeer qab siiyoo
Qunyar wuxu u yiri haa	Qaalli gabanti aan dhalay
Qoyskay la nooshahay	Qabitaanna kuma ogi

Qiraalkaas markuu helay	Duqii Ciise-labaqaar
Qarsan waayey faraxii	Isagoon qofna ogeyn
Qalbigiisa saaqoo	Inta qoorta jimicsaday
Qosol gaaban dhool biray	Kuye Ina qulaanow
Waxaan quud-darraynjirey	Inaan qoyska xididnee
Hadday qoor bannaan tahay	Qaalli inad isiisaa
Miyay kula qaraar tahay?	

Wuxuu ina qulaan yiri	Haddaad jamatay qalanjada
Qof keliyi ma bixiyoo	Qabiilay ka dhalataye
Kanay qarad cismaan tahay	Qolyaan kala tashanayaa !!

Qawlkaas hadduu helay
Horay buu usii qumay
Qarad cusmaan u yeeroo
Laga tegey qol gaar u ah

Duqii Ciise-labaqaar
Kolkaa ina qulaan-baa
Qayladii carruurtaa
Qaxwena waa u yeerteen

Qawlkuu la yimid iyo
Qananimada Ciisiyo
Inuu yahay nin qiima leh
Iyo qaab kastaba doon
Qarad ooriiduu qabey

Siduu qaanac ugu yahay
Xigtanimada qoyskiyo
Qaallina kufkeeda ah
Si uu qaanac uga dhigo

Qoftii baanse ka aqbalin
Tiri qoon-kale u sheeg
Oday yohow qarwaayaa !!

Qorshuhuu hordhigayoo
Fikraddaada qaladka ah

Qarad waxay haddana tiri
Qaalli kor uga weyneyd
Qayilaaya siisaye
Qurbaha wiilki jirayee
Iyadoo ku qaanaca
Qasashada sun iyo dacar
Qatli bay ka jeceshahay
Fikraddeeda qaladka-la'

Qoftaad horay u bixisee
Yaad qoys aan hufnaynoo
Inantayda Qaalliya
Abtigeed qanyare dhalay
Haddaad siiso qolo kale
Ay qudhaba ku weydiyo
Anigaana kula qaba

Qammuunyiyo xanaaq iyo
Hayeeshee is-dabaqabey
Qoftaan horay u bixiyee
Haddii uu ka yimid qalad
Adna Qaalli bixiyo
Qurux waxay ka dheeftaba
Siin mayno qolo kale
Ciisena qoraal buu
Diiddey bixinta qalanjada
Dan baa qoofal gelisaye

Caraa qabatay odaygii
Kuye Qarad Cismaaney
Qaalli kor uga weyneyd
Kaa qaatay marakane
Qalad iyo samaan iyo
Qofkaad garato mooyee
Qabuul bay iyana tiri
Ugu diray inay qarad
Isna wayska qaancay

Duqdii Qarad Cisbaan baa
Inanki qurbaha jirey
Kute anigu waa Qarad
Inanki Qurbaha jirey
Siiyaye ha qaadee
Qaneecadu dhextaalliyo
Qorshahaas ogaysii

Qabadsiiisay telefoon
Walaashiisi qoor lula
Gabantayda Qaalliya
Ee dhoollaqaawane
Dhulalkaas qabowgiyo
Qurbahana ha geeyee

Qoorluli waxay tiri
Qawlka Eeddo kaa yimi
Qabanqaabadii iyo

Qarad inad na siisiyo
Qaradeey ku mahadsanid
Wixii Qarash ku baxayana

Haddaan reer qanyare nahay Qabuul waanu wada niri

Qoyskii qurbaha jirey Waxay soo qalqaalsheen
Yarad qoyska lala rabey Hadiyad Qaalli loo diray
Iyo qarashiyaad kaloo Durba qoyski gaaroo
Amal ay ka qaateen

Marki reerki qarash helay Qawlad ay ku taagteen
Qaabkii dadkii hore Dhibaad bay qalqaalsheen
Qyska iyo deriskuna Qosol iyo mashxarad baa
Qaalli lagu sagootiyey

Qurxoontii madaarkii Daalaa ka qaaddoo
Geysey qoyski loo diray Qurbahay sugaysana
Qaalli faarax`waa timi

Hayeeshee qisaa timid Marki qoyski wadadegey
Qarad aanay filanayn Iyo Qaalli toonnihi
Oo reer qanyaruhuna Ogaa ayse qariyeen

Qaabki waalid falijirey Qarad waxay telefoon
Qabadsiiisay wiilkay Siisay gabanta Qaalliya
Durbadiiba laga qabey Kute anigu waa Qarad
Gabantayda kii qabay Yarki dhoollaqaawane
Malla qawli karayaa?

Kii ka qabtay baa yiri Qarnigii horeetaan
Afrika uga soo qaxay Habar qaylinaysee
Islaan yahay qarwaysaa Qofkan kula hadlaayaa
Waxa weeye kii qabey **Gabadhaada kii qabey (ninka gabadhaada ninkii qabey baan ahay)**

Markay maqashay qawlkaas Waataas qarracantoo
Qarad xoortay maradii Qofki ka hor yimaaddana
Qawl waxay tiraahdaa Qofka kula hadlaayaa
Waxaweeye kii qabey Gabadhaada kii qabey

Qarad waa arkaysaan Qaallina qamuunyiyo
Qarracan bay ku sugan tahay Markay aragtay kii qabey
Oo uu nin kale qabo

Waa qawlad dunidiyo
Marki Qaali lagu yiri
Ayay qaddar yar telefon
Waxay tiri qasaariyo
Aabbe waa I qaladdeen
La idiin qabsanayaa
Wax kastoon ku kaco qalad
Qasab iigu soo diray
Anoon waayin qayrkay
Qurxoonow dalkaygii

Warku kuma qarsoomee
Habartii qac bay tiri
Qabadiisay odaygii
Qabri baygu tuurteen
Qiyaamahana idinkaa
Qoortoon is gooyiyo
Idinkay qalqaalshoo
nin la qaboo qurbaha jira
Qurayshtay ku haystaan

Faarax qawl ku celin waa
Illintuuna qubayaa
In loo diidey labaqaar
Oo Qaalli hanan karey

Gabantiisa Qaalli ah
Wuxuu qoomameeyaa
Oo ahaa nin qiimo leh
Qoyskana anfici laa

Duqdii qarad qarracanki
Qaallina qammuunyiyo
Oo qol bay ku xiran tahay
Qabri bay ka jeceshahay

Qacday tiri ma soo noqon
Qarqarsi bay ku nooshay
Qurbahay dhex joogtana

Qoyskiina waa kaaas
Qof maqlaaba yaabyaye
Siduu yeelay qaarkood
Qiso uguba may noqon
Sow Gaani kama qorin.

Qisadiina waa taas
Inamadii qurbaha tegey
Sow Qaaf wax maleh iyo
Qaafleydan maansana

MMX Gaani, September, 2005

Tel :2525755782/2525441743

Email: mmhgani@yahoo.com,mmhgani@hotmail.com